

TUR COS TA CLA PA CALYPSO & ROADMARCH INFANTIL Y HUBENIL 2024

11 January, 2024, 11:00 am

Diaranson anochi tabata tin training di e participantenan pa Calypso & Roadmarch..

Pa di cuater aña consecutivo, Noush & The Band ta compaña e participantenan di Calypso & Roadmarch. Anoushka Jeand'or a splica cu nan a cuminsa cu e trainingnan for di comienso di aña.

Pero e banda mes a cuminsa prepara for di final di aña caba y asina ora cu e muchanan cuminsa train, nan por ta cla pa ricibi nan.

Y... nan ta cla pa diabierna!

Tabata varios anochi sin drumi, tabata trahando dia y anochi, training pa Fakkkel y training pa e festival, pero nan a logr'e! Un cantidad record di participante, pero nan ta masha orguyoso!



Noush a sigui bisa cu e aña aki tin cancion na un nivel halto, tin suficiente material pa ful e parada di mucha.

El a haci apelacion n'e otro bandanan, pa acerca e muchanan. Parada di Mucha ta pa mucha. Laga nan participa pa nan sigui engrandece nos carnaval, mescos cu un dia e grandinan di awe tambr a haya ayudo di nan grandinan.



